

спк ~~101981~~  
2

სარგის კაკაბაძე.


კონსტანტინე VI, უცნობი

ათხაზთა მეფე

~~185101984~~  
2

~~18357~~

55881-5102  
R



თბილისი

მლექტრო-მბეჭდავი სტამბა, ა. მ. ძერესელიძისა, შრიბოვლოვის ქ. № 34.

1912

## კოსტანტინე VI, უცნობი აფხაზთა მეფე.

ვახუშტის მიერ პოვნულ ქრონიკის მიხედვით, როგორც ის იხსენიებს თავის „უწყებულებაში მკითხველთათვის“, ბაგრატ VI აფხაზთა მეფე გარდაიცვალა 166 ქრონიკონს (=1478 წ. <sup>1</sup>), ხოლო „შემდგომად ბაგრატ მეფისა—ვახუშტისავე ისტორიით—დაჯდა მეფედ ძე ამისი ალექსანდრე.“ <sup>2</sup>), მაგრამ უტყუარის ცნობებით ალექსანდრე გამეფებულა 172 ქრონიკონს (=1484 წ.). ეს მტკიცდება როგორც ქრონიკული ცნობებით <sup>3</sup>), აგრეთვე ერთი 1495 წლის სიგელით, რომელიც ბოძებულია ალექსანდრეს მეფობის მე-12 ინდიქტიონს. <sup>4</sup>) ალექსანდრეს 1484 წ. გამეფების შესახებ ცნობა უპოვია ვახუშტისაც <sup>5</sup>), მაგრამ ვახუშტის ხელთ ჰქონია სხვა ქრონიკული ცნობებიც, რომელთაც მას გზა აურიეს: „ქართლი დაიპყრა კოსტანტინე მეფემან ქრისტესით 1479 ქრონ. 167. კვალად კოსტანტინე მეფე ჯავახეთს მიუხდა და დადიანი თანა ახლდა ქრისტესით 1481. ქრონ. 169.“ <sup>6</sup>). ამ ცნობათა მიხედვით ვახუშტი თავის „იმერეთის ცხოვრებაში“ მოგვითხრობს: „ხოლო შემდგომად ბაგრატ მეფისა დაჯდა მეფედ ძე ამისი ალექსანდრე და ინება კურთხევა. ამისათვის მოუწოდა დადიან-გურიელსა, შარვაშიძეს და გელოანს, არამედ დადიანმან არღარა ინება მოსვლა, ეგრეთვე გურიელმან და სხვათა. იხილა ესე კოსტანტინე მეფემან იმერთა შინა ვითა-

<sup>1</sup>) ქართლის ცხოვრება, ტ. II ჩუბინოვის გამოცემა, გვ. 6.

<sup>2</sup>) იგივე გვ. 186.

<sup>3</sup>) ქრონიკები, II, 303.

<sup>4</sup>) ქრონიკები II, გვ. 311 იხ. კიდევ 1509 წლ. სიგელი მე-15 (უნდა 25) ინდიქტიონსა. ქრონიკები II, 327.

<sup>5</sup> უწყებულება, ქ. ცხოვ. II, გვ. 7. შეადარე გვ. 240.

<sup>6</sup> ქ. ცხოვ. II, 7.

რებანი, შეიკრიბნა სპანი და ეზრახა დადიანს, ჩამოვიდა იმერეთს ქრისტესით 1479, ქორონ. 167 და მიერთნენ ყოველნი იმერნი, ვინადგან დადიანსა მიეცა პირი მტკიცე. ამისათვის ვერლარა წინააღუდგა ალექსანდრე და წარვიდა სიმაგრეთა შინა. ხოლო კოსტანტინე მეფემან დაიპყრა იმერეთი, მოერთო დადიანიცა და მისცეს ციხე ქუთათისისა, რამეთუ არა კეოლი იყო ბაგრატის გამო დადიანი ალექსანდრესი, ვინადგან დაამდაბლა ბაგრატ დადიანი. შემდგომად ამისა მოკუდა დადიანი ვამიყ ქს. 1482, ქრ. 170 და დაჯდა ძე შამანდავლე დადიანისა ლიპარიტ დადიანად. მერე კვალად მოკუდა გურიელი კახაბერცა ქს. 1483, ქრ. 171 და დაჯდა ძე მისი გიორგი გურიელად. ამასვე წელსა იძლია კოსტანტინე მეფე ყვარყვარე ათაბაგისაგან. მაშინ შემოიკრიბა რაჭა, ლეჩხუმი ალექსანდრე ძემან ბაგრატ მეფისამან, მოვიდა და აღილო ქუთათისი ქს. 1484, ქრ. 172, დაჯდა მეფედ, ეკურთხა და დაიპყრა იმერეთი“.) ეს კოსტანტინე არის ძე დიმიტრი მეფისა და შვილის-შვილი მეფის დიდი ალექსანდრე I-ისა. ის მართლაც გამეფებულა უტყუარის ცნობებით ქართლში 1478 წ.<sup>8)</sup> ან 1479 წ.<sup>9)</sup>, თუმცა, როგორც სჩანს, ტახტის დაჭერამდისაც ის მეფედ იწოდებოდა<sup>10)</sup>. ვახუშტი მის მიერ პოვნილ და ზემოდ მოტანილ ქრონიკებში ნახსენებ კოსტანტინე მეფეს სთვლის ამ კოსტანტინედ, დიმიტრის ძედ, ხოლო რაკი ქრონიკაში მოხსენებული ყოფილა კოსტანტინეს გალაშქრება ჯავახეთს დადიანთან ერთად და ალექსანდრეს მიერ ქუთათისის დაჭერა და მეფედ დაჯდომა მხოლოდ 1484 წელს, ამიტომ ვახუშტისაც ფაქტები იმ გვარად დაულაგებია, თითქოს კოსტანტინეს იმერეთი დაეპყრას ქართლიდან და დადიანის

7) ქ. ცხოვ. II, 187

8) ქრონიკები II, 298.

9) ქ. ცხოვ. II, 240. იხ. კიდევ სიგელი 1488 წლისა, კოსტანტინეს მეფობის მე-10 წელს დაწერილი.

10) სიგელი 1466 წლისა. საქართ. სიძველ. ტ. II, გვ. 20.

ლალატობისა და ორგულობის დახმარებით ალექსანდრე გარდა-  
ეგდოს.

ახლა ჩვენ გავსინჯოთ, თუ რამდენად მართალია ვახუშ-  
ტის აზრი. 1909 წელს მიწათ-მოქმედებისა და სახელმწ. მამუ-  
ლების ქუთაისის გუბერნიის სამართველოს არქივში გელათის  
მონასტრის საბუთებთა შორის შემხვდა ერთი ფრიად საყუ-  
რადღებო სიგელი, რომელიც დიდად დაგვეხმარება ამ კითხვის  
გარდაწყვეტის დროს. ეს სიგელი (№ 50) დაწერილია კარგს  
თეთრს ტყავზედ ლამაზის ხელით, 134×22 სანტ. შესდგება 3  
გადაკერებულ ნაჭრისაგან. თავი აკლია, ბოლო კიდევ გადასულია.  
ნიშნებათ იხმარება ოროლი წერტილი. სიგელი ეკუთვნის მე-  
ფე ალექსანდრე III-ს (†1 აპრილს 1510 წ.). სიგელში მოხსენ-  
ებულია სამი შვილი მეფისა, ბაგრატ, ვახტანგ და გიორგი.  
ამიტომ სიგელი უნდა იყოს დაწერილი არა უადრეს 1503 წლ.  
(1502 წ. ალექსანდრეს ყავდა მარტო ორი შვილი—ბაგრატ და  
ვახტანგ<sup>11</sup>), მაშასადამე, 1503—1510 წლებში. მომაქვს აქ ეს  
სიგელი სრულიად უცვლელად:

--- აღ სულისა ჩუენისად და --- დიდი მონასტერი გენათი  
დავადგინეთ საქბელად და - - მიუბოძეთ მოაღვარ --- ვკადრეთ  
და მოვახსენეთ ზეშთა აღმატებულსა ცათა მობაძავსა ახალსა  
მეორესა იელუსალემსა ტაძარსა გელათისასა და მაშიგან ბრძა-  
ნებულსა ხახულისა და საკურთხევლისა ღთისმშობელსა. თავად  
მოვკედე ხატი წმიდისა ღთის მშობელისა და დავაბრძანეთ მო-  
ნასტერსა გენათისასა. ვინებეთ სოფლისა აღშენება, რომელ  
არს ბალახუანი და მოვიღეთ პური საბრძანებელსა ჩუენი დაღ-  
მა კახეთით, სამცხით და ოდიშით და აღვაშენეთ დიდსა შიმ-  
შილობაშიგან ამისთვის უწოდეთ ნების სოფელი და შევსწირეთ  
მონასტერსა გენათისასა და მაშიგანა ბრძანებულსა ხახულისა.

<sup>11</sup>) საქართ. სიძვ. ტ. II, 516.

და საკურთხევლისა ღთის მშობელსა და მივაბარეთ სასოხა ჩუენსა მოძღვართ მოძღვარსა ილარიონს ჩუენისა სულისა სალაპოდ. არის ბეგარი მათი გამოსაღები ორმოცი თეთრი. ამითი ტძრად მიყუანებასა ჩუენისა სულისათჳს აღაპსა გარდაიკდიდეს მოძღვართ მოძღვარი. მიაბარებდენ ოცსა კოკასა ღვნოხსა, სამსა გუერდსა ღომსა, ასსა პურსა, ოცსა თეთრსა მოძღვართ მოძღვარსა მიაართმევდენ, ათსა თეთრსა ვინც მს გუედის ჟამსა წირევდეს, მათი მისცემდენ. აგრევე იმავე წესითა ხარებასა მიაბარებდენ. წყალწითელათა აღვაშენეთ სოფელი. ვიყიდეთ იმავე გაენათისა ყმისაგან ნიშნიაძისაგან. ავაშენე და შევსწირეთ ჩუენისა სულისათჳს დიდსა მონასტერსა გენათისასა და მივაბარეთ მოძღვართ-მოძღვარსა ჟამად სადამდის წყალწითელა სოფელი მოძალიადებოდეს და გლეხნი დამაგრდებოდენ, ექუსა ლიტრასა ცვილსა გულითა გამოიღებდენ, ხუთსა ლიტრა ცვილსა ბურჭულაძე გამოიღებდეს მისითა საგულითა. ამა წყალწითელათა გამოღებულთა ცვილზედა ჩუენეშით მოძღვართ მოძღვარი შეათავებდეს და კელაპტრად შეიქმოდენ და ჩუესა მოჰქედილსა ხატსა წინა ენთებოდეს, დიდსა ორშაბათსა დანთონ და ნებისკვირისა დიდსა ორშაბათამდის ეთებოდე ყოელთა დღეთა ჩუენად სადღიგძელოდ და ძეთა ჩუენთა. კულავე შემოგწირეთ და მოვახსენეთ დიდსა მონასტერსა გაენათსა ჩუენად სალაპოდ კულაშს მეზუთხენი კახაჯორაშვილი ოთხითა ზუთხითა, ასრე რომე ამა ოთხისა ზუთხისაგან თვთოხსა ზუთხსა ჩუენისა სულისა აღაშვიგან მოიხმარებდეს, ჩუენისა სულისა აღაშვიგან რა საწინამძღრო წირვა მოვიდეს, მოძღვართ მოძღვარმან გვიწიროს ჟამი. აგრევე მოძღვართ მოძღვარო, რაცა ჩუენი აღაპი შემოგკდეს ჩუენისა სულისათჳს პატრონისა დედოფლისა თამარის სულისათჳს და სადღიგძელოდ ძისა ჩუენისა ბაგრატ, ვახტანგ და გიორგისთჳს: აწ უკვე ვინებეთ და ვიგულისმოდგინეთ სხვავე გლეხნი ვკადრეთ და მოვახსენეთ ზეშთა აღმატებულსა ცათა მობაძავსა მონასტერსა გაენათისასა და მაშვიგან ბრძანებულსა ხახულსა და საკურთხევლისა ღთის მშობელსა გლეხნი მოძ-

ღვართ მოძღუარისა მიბარებულნი ჭალას ჭორტიკლის ეული.  
მართებს ცვილი ლიტრა ო[ც]ი. ესა მარხუისა ნების კუი-  
რიაკემდის კმარ იყოს. ამას გარეთ მათებს მოძღვართ მოძღვა-  
რსა ჩუნეშს რომე გლეხნი შეეწირე მონასტერსა საკელაპ-  
ტრეთ და მოძღვართ მოძღვარსა მივაბარეთ. არის კუამლი  
ექუსი ასრე უცილებელი არის და მოუსარჩლელი, მამის ბედის  
შვილმან ათიანმან(sic)ჭორტიკელი მოკლა ღ მისითა ნებითა და-  
საურვებლად დამიდვა, მეორმან ასათიანმან ლულუნასშვილმან  
ჩუნენი სახასო ყმა სალდაყმაძე მოგუიკლა და მისად დასაურ-  
ვებლად დამიდვა და ჩუნენისა სულისათუის გელათსა შევსწირთ  
და მოძღვართ მოძღვარსა მეკადრსთ მივაბარეთ. მართებს ცვილი  
ლიტრა ოცი მისითა საგულითა, მისი კელაბტარი შექნან და  
დიდსა ორშაბათსა ანთონ და იმავე დიდსა ორშაბათამდის ენ-  
თებოდეს ყოველთა დღეთა რის მამის ბედიშვილისეული გლე-  
ხნი ცხანკილაძე, ჯიქიძე, სამნი ტყამლაძენი და ინაისშვილი  
ამას გარეთ მესხეთს ბურჭულაძე გიორგი და მისნი შვილნი  
ნახევარი მეფისა არის და ლოლაბერიძემან ავლად დამიდვა  
მისითა ნებითა თვალთაძისა სახსრდ. ---ონეთს შვიდნი გლეხნი  
ახალაძენი მამასბედაი და მამის იმედაი გაბრიელიძე კეთილაი  
და მისნი შვილნი მამისთვალაი ღ როსტევანი ღ მი.ნი შვილნი,  
ამას გარე ჭალას დოდენაძე, არაბიძე და --- მათსა ბეგარსა გელათ  
წინამძღვარსა მოართმევდეთ და ვითა ზემო დაგვიწერია იმა წე-  
რითა ამაღლებსა აღპსა გუიზემდეთ, ერთი გლეხკაცი გოლო-  
ძე ჭყეპს შავე ხორც ---აძესა ნაჭუბები ხუცესი, ასრე რომე  
ყოველთა --- მარხვათა ჩუნენისა სულისათვს ყმსა გუიწირევდეს  
ასრე რიგად მოკდეს მისი გუარი ჭუბისი(?) --- იყოს ოცსა თე-  
თრსა, ერთსა ცხვარსა მის --- ურ ღვინოს, ორსა ნაოთხალსა  
ლომსა, ორსა დორასა ღვინოსა ამას გელათ მიღებდეს ღმრთის  
მშობლობასა დღისა ჩუნენისა სულისათვს აღაპი იქნებოდეს  
სხვა ძღვენი, სამსახური და პურისა ჭმევა წინამძურისათუის  
მიგვიბარებია. ესე ასრე მოსარჩლელი და მოუდევარი არის  
ყოვლისა კაცისაგან, ბიძასა ჩუნენსა მეფესა კოსტანტინეს უძუ-

ლორი გაეწირა და ჭილაძისათვის მიეცა. ჩუენ ასრე ვქენით, ვითა არავინ ღირსიყო ჩუენისა მონასტრისა გაენათისა მამულთა დაჭირვასა, ისრე არა ვკადრფილიყო, ჩუენცა განალამცა წინამძღვარსავე მივაბარეთ. ამისთვის ჟორჯოლაძის ეულნი გლენი ჩუენად სალაპოდ დავიდევით. ამას გარეთ კულავე ვკადრეთ და მოვახსენეთ დიდდსა (sic) მონასტერსა გაენათსა, ესეცა წინამძღვრისა საკელოდ მას მივაბარეთ ხიბლასა მეზუთხე აღლუსაძე ბიძას თვალას შვილი ნასყიდაი მისნი ძმანი და მისნი შვილნი და მომავალნი მათნი. ესე ასრე მოუდევარი არის, ნიჟარაძე დემეტრე უშილოდ გარდაკდა და ესე მეზუთხენი მისეული დაგურჩა და ჩუენ ჩუენისა სულისათვის გაენათსა შევწირეთ მათითა ბეგრითა, ასრე რომე წელიწადგან ხუთხუთსა ზუთხსა წინამძღვარსა მოაბარებდეს. ესე ჩუენგან შეწირულნი გლენი, სოფელნი მამამულინი (sic) და მეზუთხენი სამოდღვართმოდრო და საწინამძღრო მამათითა მანულითა, საფუძვლითა, ველითა, ვენაკითა, ჭალითა, სახარდნითა, ველთა, საკნავთა, წყლითა, საწისქვილოთა, ტყითა, სანადიროთა, მთითა და ბარითა მისითა მძღუართა სამართლიანითა ერთობ უკლებლად და უცილებლად მოუდევარ მოუსარჩლოლად ყოვლისა ადამის და ევას ნათესავისა კაცისაგან აწ უკმდე და ვართარხენეთ (sic) და ვათავისუფლეთ ყოვლისა სამეფოსა სათხოვარისაგან და (სა)ჯურუმოსაგან არა ეთხოვბოდეს რა სამეფო სათხოვარი და ჯურუმი, არა ძროხა, არა საკლავი, არა ღომი და არა ღვინო, არა საციხისო, და არა საციხონო, არა საჯინიბო და არა სახოსარლო, არა სამზარეულო და არა საყველიერო, არა კვერცხი და არა ყველი, არა გოჭი და არა ქათამი, არა საბაზიერო საჭმელი და არა საქორე ქათამი. არა ულაყი, არა ლაშქრის გამოწვევა ასე შეულათ გვიანადები თვნიერ მოძღვართ მოძღვარსა და წინამძღვარსა მათ მათი საქონებელი ვითა ეპრიანებოდეს იმსახურონ. აწ ეს ჩუენგან ბრძანებული სიგელი მტკიცედა უ --- მდგომად ჩუენდა მომავალთა მეფეთა და დ --- და ყოველთა კარისა ჩუენისა



წარჩინებულთა - - - კელისა მქონებელთა და ქუთათისა და ქალაქისა ციხისთავთა და ამირათა ამირათა გორისა და - - - დისა - - - თავთა, კარისა ჩუენისა ვაზირთა - - - ერისთავთ ერისთავთა, მოლარეთუხუცე - - - თა მეჯინბეთ უხუცესა და მეჯინბ - - - მეღვინეთა და მესტუმრე - - - <sup>12)</sup>).

ამ სიგელიდან სჩანს, რომ ალექსანდრე III აფხაზიმერთა მეფეს ყოლია ბიძა მეფე კოსტანტინე. მართლაც ერთი 1468 წლის სიგელიდან სჩანს, რომ ბაგრატ VI-ს ყავდა ძმა კოსტანტინე <sup>13)</sup>). ამიტომ ეხლა ცხადია, თუ რატომ ალექსანდრე III ტახტს იჭერს არა 1478 წ. მამის სიკვდილის შემდეგ, არამედ მხოლოდ 1484 წელს. ბაგრატ VI-ს სიკვდილის შემდეგ აფხაზიმერეთის ტახტზე ასულა ძმა მისი კოსტანტინე, რომელსაც უმეფენა 1484 წლამდის. ვახუშტის არ ქონია ბაგრატ VI-ს მემკვიდრეთა შესახებ მტკიცე ცნობები და ამიტომ ეს კოსტანტინე VI, აქამდის სრულიად უცნობი, მიუღია კოსტანტინე II დიმიტრისძედ, რომელიც იყო ქართლის მეფე და რომელიც მართლაც ცნობილია ჩვენს ისტორიაში. მოკლედ აღწერილმა მისმა ცხოვრებამ ჩვენამდისაც მოაღწია <sup>14)</sup> და ეს ცხოვრება ხელთ ქონია ვახუშტისაც <sup>15)</sup>. ცხადია ამიტომ, რომ ვახუშტის დალაგებაც ფაქტებისა უნდა უარყოფილ იქნას. ზემოდ მოვიხსენიეთ, რომ დადიანის და სხვათა განდგომილება კანონიერ მეფისაგან და ქართლის მეფესთან მიკერძვა ვახუშტის უნდა შეეთხზას ერთ ქრონიკულ ცნობის გავლენით, რომელიც ამბობს, რომ 1481 წ. კოსტანტინე მეფე ჯავახეთს მიუხდა და დადიანი თანა ახლდაო. ეს კოსტანტინე ქართლის მეფე რომ ყოფილიყო, მაშინ რასაკვირველია ვახუშტის აზრი ერთად ერთი მი-

<sup>12)</sup> ეს სიგელი შეცდომებით და არა სრულად მოაქვს თ. ყორღანისაც თავისს ქრონიკებში II, 341—342.

<sup>13)</sup> საქართ. სიძველ. II, 40.

<sup>14)</sup> მ. ჯანაშვილის ნაშრომი I, 37—41.

<sup>15)</sup> ქ. ც-ბა II, 12—15.

საღებო იქნებოდა. მაგრამ რაკი ახლა ვიცით, რომ 1478—1484 წლებში აფხაზ-იმერეთის სამეფოს განაგებდა კოსტანტინე VI, ძმა ბაგრატ VI-სი, ცხადია ქრონიკაში მოხსენებული კოსტანტინე აფხაზთ-იმერეთის მეფე ყოფილა. საგულისხმოა, რომ მეფეს ამ ღიაშქრობის დროს დადიანიც თანა ხლებია. დადიანები ამ დროს და შემდეგაც მე-XVI საუკუნის ნახევრამდის აფხაზეთის მეფეების დამოკიდებულობის ქვეშ იყვნენ და თითქმის ყველა დადიანი ამ დროისა ატარებდა მანდატურთ-უხუცესის ღირსებას. რაკი ჯერ კიდევ ეს დამოკიდებულება არც თუ ისე სუსტი იყო, ამიტომ უბრალო სამართლიანობის თვალსაზრისით უფრო უპრიანია, დადიანი სალაშქროთ თავის ბუნებრივ მეფეს—კოსტანტინე VI-ს გაყოლოდეს.

ამ გვარად ამ ახალ მეფის—კოსტანტინე VI-ს გამოჩენას შესამჩნევი ცვლილება შეაქვს ჩვენს ისტორიაში მაშინდელ ისტორიულ ფაქტების დალაგების მხრივ.



